



**“ENTRE 3 CU 9 DI JULI
MAYORNAN POR HACI
PETICION PA CAMBIO DI
SCOL NA SKOA”**



WWW.SOLODIPUEBLO.COM



SOLODIPUEBLO@GMAIL.COM

**IRAN LANSA VARIOS MISIL
RIBA BASE MERICANO NA
QATAR; TUR A
WORDO INTERCEPTA**



**20 LUNA DI PRISON PA MAMA Y YIU
MUHER CU TABATA BENDE DROGA**

**PARLAMENTO A APROBA E LEY
PA PROTEHA CONSUMIDOR
UNANIMAMENTE DIABIerna ULTIMO**

Aunke Geoffrey Wever tabata hopi zwak



**CELEBRACION CULTURAL DIA DI SAN
JUAN NO TA UN DIA PA KIMA SUSHI OF
DESPERDICIO CU TA CAUSA DAÑO NA
NOS MEDIO AMBIENTE**



Awo cu 2 florin mas, bo por gana e MEGA PLUS

*** Afl.**

900.000,-

*** Afl. 600.000,- + Afl. 300.000,-
extra**

Benta ta sera 7:30 pm y sorteo ta hunga 7:45 pm



HUNGA AWO



UN DIA INOLVIDABEL DI DEPORTE Y DIVERSION DURANTE IBISA KIDS RUN 2025



Oranjestad, 23 di juni 2025 – Aruba Bank, hunto cu IBISA y COA, ta mira cu orguyo riba un evento exitoso: IBISA Kids Run 2025. E actividad deportivo y educativo a uni henter comunidad den un ambiente di alegria y movimiento.

Cu mas di 750 participante den categorianan di careda segun nan edad, e dia a sera un celebracion di energia, deporte, y union

familiar.
Nos ta gradici tur hende cu a yuda pa mantene e evento sostenibel door di a trece nan mesun boter di awa.
Aruba Bank ta comprometi na apoya actividadnan cu ta stimula un bida saludabel for di un edad hoben.
Pabien na tur esnan cu a contribui na e exito di e evento aki.

Clasificados





SOLODIPUEBLO@GMAIL.COM
CEL.585 9500





IRAN LANSA VARIOS MISIL RIBA BASE MERICANO NA QATAR; TUR A WORDO INTERCEPTA

TEHERAN, 23 di juni – Segun e Consejo Supremo di Seguridad Nacional di Iran, Iran a usa e mes cantidad di misil durante nan atake contra e base aereo mericano na Qatar, cu Merca a usa contra nan instalacionnan nuclear di Iran.

Den un declaracion ofisial, e consejo a enfatisa cu e operacion no a representa ningun amenaza pa Qatar i ku Iran ta desea di mantene relacionan amistoso. E atake aki a wordo realisa

como un mensahe cla pa Merca despues di e agreccion contra e sitionan nuclear irani.

Autoridatnan di Qatar a condena e atake i a insisti cu nan no tabata envolvi den e conflicto entre Iran i Merca. Nan a reafirma nan compromiso cu e paz regional i a yama pa un solucion diplomatico. E base Al Udeid, un di e mas grandi di Merca na Medio Oriente, ta hunga un rol strategico den operacionnan militar



mericano.

Pues, por conclui cu pa

awor, e base militar a wordo intercepta.

Mericano no a ricibi

ningun misil, debi cu nan

PARLAMENTARIO XIOMARA MADURO TA FELICITA BIBLIOTECA NACIONAL PA NAN 75 ANIVERSARIO

y ta gradici pa e buki conmemorativo “Capital Humano entre buki y arte”
compila pa sra. Maria Teresa Madariaga pa e aniversario special aki



Biblioteca Nacional a cumpli 75 aña y pa e ocasion special aki Maria Teresa Madariaga a percura pa un bunita buki conmemorativo titula “Capital Humano entre buki y arte,” den cual ta expone obranan di arte y literatura cu ta forma parti

di e coleccion di Biblioteca Nacional.

Diahuebs ultimo Parlamentario Xiomara Maduro tabata tey na Biblioteca Nacional pa asina felicita su directora, staff y personal, y tambe pa gradici sra. Maria Teresa

Madariaga pa e bunita compilacion cu ta contene obra di arte di mas di 40 artista local.

“Manera Maria Teresa a expresa den su discurso, ta hopi aña e obranan aki a warda pa cuater muraya di Biblioteca Nacional pa nan expone, educa y inspira nos Pueblo cu nan esencia. Masha danki na cada un di e artistanan cu ta deleita nos cu nan talento y obranan cu awe ta forma parti di nos coleccion nacional di arte memey di tur e bukinan na Biblioteca Nacional,” ta palabranan di gratitud expresa pa



Parlamentario Xiomara Maduro.



Noticia di Corte

20 LUNA DI PRISON PA MAMA Y YIU MUHER CU TABATA BENDE DROGA

ORANJESTAD – Corte di Husticia a trata e caso penal cu Ministerio Publico a cuminsa contra e dama S.S.(67) y S.S.J.A.(32). Nan ta wordo acusa di bendemento di cocaina y marihuana na nan cas na Seroe Alejandro.

SOLO DI PUEBLO por a compronde cu Hues no a kere e mama S.S. cu e no tabata bende. Tampoco Hues a kere e yiu S.S.J.A., cu ta e so tabata bende droga.

E acusacion cu Fiscal a presenta contra S.S. y S.S.J.A. ta cu entre 15 Maart 2024 y 12 December 2024, nan tabatin den nan poder marihuana y cocaina y tabata bende esakinan.

Na December 2024, Polis a bay haci investigacion na e cas y a haya 127 gram di marihuana, 41 gram di cocaina, 3600 florin y 850 dollar.

BENDE DROGA

E mama S.S. a bisa Hues cu despues cu el a sali liber na Maart 2024, e no a bende droga mas. Hues a remarca cu tin testigonan ta bisa cu nan tabata cumpra for di S.S. y S.S.J.A. Segun S.S., por ta e hendenan ta mir'e na cas pero e no tabata bende. El a bisa cu e ta sera 7 luna inhusto. E yiu S.S.J.A. tabata keda bisa cu e tabata bende droga y no su mama.

Hues a mostra cu for di e relato di Polis, a haya marihuana y cocaina na e cas. Tin testigonan ta menciona e mama Chichi Mona, ta esun cu nan a cumpra droga for di dje. E yiu muher a keda bisa Hues cu e so tabata bende. Hues a remarca cu S.S.J.A. ta bisa esey pero e testigonan ta bisa otro. Segun S.S.J.A., e tabatin 3 siman ta bende. El a bisa cu el a haci esey pasobra e no por a haya trabao pasobra e no tin papel di bon conducta. Hues a remarca cu S.S.J.A. a bay haci cos cu a hink'e den mas problema. S.S.J.A. a bisa cu e tin 4 yiu chikito cu e mester cria. Hues a mostra cu na e cas a confisca 3600 florin y 850 dollar. E mama S.S. a bisa Hues cu e tabatin den su cartera 1600 florin y 420 dollar. Segun S.S., e 1600 florin ta placa di pensioen y e bonus cu a haya na December 2024. El a sigui bisa cu e dollarnan ta placanan cu el a gana na machine den casino. Na opinion di S.S., e placanan no tin nada di haci cu bendemento di droga. Hues

a mostra cu S.S.J.A. tabata condena na 4 aña di prison pa bendemento di droga y a sali y bolbe bende. Hues a remarca cu S.S.J.A. mester keda busca trabao cu no ta pidi papel di bon conducta y no bay bende droga.

FISCAL

Fiscal a bisa Hues cu S.S. ta desmenti di tabata bende, pero tin 7 testigo entre otro cumpradornan di cocaina cu a bisa cu nan a cumpra for di S.S. Nan a reconoce S.S. riba potret. Fiscal ta haya proba cu entre Mei 2024 y December 2024, S.S. tabata bende cocaina. El a mostra cu a haya 41 gram di cocaina den e cas. Fiscal a sigui bisa cu tin 6 persona cu a bisa di a cumpra marihuana for di S.S. y a reconoce S.S. riba potret. Polis a haya 127 gram di marihuana den e cas.

Fiscal ta haya cu S.S. ta culpabel. Pa loke ta e yiu muher S.S.J.A., Fiscal a mostra cu S.S.J.A. ta bisa cu el a bende 3 siman so. Pero tin testigonan cu a bisa di a cumpra cocaina for di S.S.J.A. Testigonan a bisa cu si e mama no tey, nan tabata cumpra for di e yiu muher. Esey tabata entre Mei 2024 y December 2024. Fiscal a mostra cu tambe tin 2 testigo cu a bisa di a cumpra marihuana for di S.S.J.A. Esaki entre Juni 2024 y Dec 2024.

Fiscal a mostra cu durante 6 luna, S.S. y S.S.J.A. tabata bende droga. Fiscal a remarca cu na Maart 2024 nan a sali liber for KIA pa bendemento di droga y algun luna despues, nan ta deteni pa bendemento di droga na e cas. Fiscal ta haya cu nan no a siña di e castigo cu nan a haya.

Fiscal a exige 15 luna di prison pa tur dos. Fiscal a exige tambe, pa tur e droga wordo destrui y e placanan mester keda confisca.

ABOGADO

Mr. D.Croes a bisa Hues cu antes S.S. tabata deteni pa bendemento di droga hunto cu su yiu S.S.J.A. Na opinion di abogado, Polis a pinta e cas como un lugar di bende di droga. E abogado a bisa Hues cu e declaracion di e usadornan di droga, no ta confiabel. E abogado a bisa cu ora e usadornan di droga wordo deteni y hinca den cel, nan ta declara kico cu bo kier, tanten cu

nan haya nan libertad. El a remarca cu tur e compradornan ta adictonan pisa di droga. Ta asina cu tur a wordo laga liber asina cu nan a duna declaracion. Na opinion di mr. Croes, e yiu a hay'e den un situacion sin por haya trabao y mester mantene su 4 yiunan chikito. El a hay'e ta bolbe bende droga. E yiu ta sinti'e malo cu su mama ta sera siendo cu ta e yiu tabata bende droga y no e mama. Mr. Croes a pidi Hues pa tene cuenta cu salud di e mama S.S. kende ta sufri di sucu. E abogado a pidi pa declara S.S. liber y pa e yiu haya castigo igual na loke el a sinta caba.

SENTENCIA

Hues a sera tratamiento di e caso y a dicta sentencia di biaha. Hues a rechaza e defensa su punto di bista cu no por confia declaracion di testigonan. Hues ta haya cu e testigonan a duna declaracion bon cla y a reconoce e mama y yiu riba potret. Hues ta haya legalmente proba e acusacionnan esta cu S.S. y S.S.J.A. ta complice di posesion di droga y bendemento di droga.

Pa cu e castigo, Hues a mostra cu no ta promer biaha cu nan ta cay sera pa bendemento di droga. Hues a remarca cu e mama y yiu tin nan problema financiero pero door di bendemento di droga, ta crea problema di criminalidad. Hues a tene cuenta cu nan situacion personal. Hues ta haya cu ta importante pa nan por drecha nan bida y haya guia pa asina no ta sigui cay den bendemento di droga.

Hues a condena e mama S.S. y su yiu S.S.J.A. na 20 luna di prison, di cual 10 luna ta condicional cu un tempo di prueba di 3 aña. Hues tambe a ordena pa e mama y yiu cay bao supervision di Reclasing.




SOLODIPUEBLO@GMAIL.COM
CEL. 585 9500


“ENTRE 3 CU 9 DI JULI MAYORNAN POR HACI PETICION PA CAMBIO DI SCOL NA SKOA”

Oranjestad, Aruba: SKOA ta informa cu entre 3 te cu 9 di juli, mayornan por haci peticion pa cambia nan yiu(nan) di scol.

Kico bo tin cu haci pa cambia di scol?

Pa cambia oficialmente di scol mester haci esaki oficial via e cabesante di scol. E peticion di cambio di scol lo wordo procesa digitalmente via nos systema central di SAS. Pa haci e peticion oficial di cambio di scol mayornan mester aserca e cabesante di scol entre 3 - 9 di Juli 2025. Tur peticion lo wordo procesa segun e secuencia di entrega, pues mas trempa haci e peticion mas trempa esaki lo wordo procesa. Importante pa tene na cuenta cu peticion pa cambio di scol no por wordo haci durante vacacion di scol.

Documentonan necesario pa cambio di scol:

- U i t t r e k s e l bevolkingsregister (papel di Censo)
- Copia di AZV-kaart of seguro priva pa aña escolar 2025-2026
- Prueba di pago di aña escolar (schoolgeld) 2025-2026

Despues cu a cumpli cu e rekesitonan mayornan lo ricibi un respuesta pa cu e peticion di cambio di scol despues di 10 dia di trabou. Despues di esaki lo ricibi un carta di ubicacion y por continua na inscribi e yiu(nan) na e scol nobo.

Otro Schoolbestuur

Mayornan cu tin yiu(nan) inscribi na scolnan cu ta resorta bou di otro schoolbestuur por haci inscripcion pa un scol di SKOA via nos website www.skoa.aw.

Dicon scoge pa SKOA?

SKOA ta e organisacion di educacion mas grandi na Aruba cu ta ofrece educacion di calidad halto. SKOA tin un curriculum completo cu ta enfoca ariba e desaroyo y crecimiento general di cada alumno y estudiante. SKOA ta enfatisa su balornan Catolico, comunicacion na nivel multilingual, inclusion, innovacion y tambe actividadnan extra-curricular. Como mayor bo por ta segura cu bo yiu(nan) lo ricibi un educacion completo na SKOA. Si bo kier pa bo yiu experiencia un forma diferente pa siña y descubri su potencial aplica na SKOA.

Pa haya mas informacion di tur e scolnan cu ta resorta bou di SKOA por bishita nos website www.skoa.aw. Pa contact nos directo por yama nos na (+297) 523 1800 durante orario di oficina.

07/2025



**DERA GAY,
BAN APOY'E**
E ta parti di nos cultura

Feliz dia di San Juan



 **SETAR**
Creando Conexion

EMOTIVE DELIRIUM



Dimanche-Jolie ta 26 di juli 2025. presenta su prome solo exposicion titula ‘Emotive Delirium’ na Biblioteca Nacional Aruba y esaki ta habri diaranson awor di 5or pa 7or. E exposicion ta habri durante orario regular di biblioteca te dia

Dimanche ta auto-didactico di tempo cu e ta chikito te cu su 13 aña y despues e ta sigui curso tras di curso na Ateliers ’89. Pa shete aña e ta sigui curso riba varios

disciplina, Pintamento, ceramica, moda, filmacion, dibuha, Mixed media y e ta experimenta hopi. Su educacion diverso a forma su sensibilidad transdisciplinario y esey ta loke ta defini su bos artistico awo. Pa Dimanche, dibuha ta e raiz structural pa su expresionnan visual mientras cu poesia ta sirbi como e simiya pa su desaroyo musical, conceptual y di conta un storia.

E exposicion ‘Emotive Delirium’ ta e culminacion di su proyecto di investigacion artistico titula ‘The Decomposition of the Trout, a symbolic exploration of how art shapes our emotional lives and how the self-imposed



rules we live by often disconnect us from our essential nature’. Pa medio di nueve cuadra, un coleccion di poema ritmico y un instalacion, Dimanche ta invita nos den

un fluho di emocionnan poetico pa medio di imahen, curpa y sonido. Su obranan ta presenta un universo di simbolo. Publico ta bon bini pa bishita e exposicion aki y entrada ta gratis.

DIADOMINGO 30 DI NOVEMBER 2025 LO TIN E DI DOS EDICION DI RIDE FOR THE ROSES



Oranjestad, 23 Juni 2025 — Stichting One Happy Bike Island y Koningin Wilhelmina Fonds cu gran orguyo ta anuncia nan di dos edicion anual di Ride For The Roses Aruba, dia 30 di November 2025 pa 7or di mainta. E evento inspirador aki ta un dia

di union, movimiento y speransa, caminda henter famia ta bin move pa salud y prevencion di Cancer pero tambe pa muestra apoyo na pashentnan cu Cancer na Aruba. E evento aki ta pa tur persona di tur edad y por

scoge pa cana, core, haci ciclismo of participa den landamento. Bo aporte ta importante. Ticket ta solamente Awg.35,- pa persona y tur fondo recauda lo beneficia Koningin Wilhelmina Fonds.

Tocante Koningin Wilhelmina Fonds For di su fundacion na aña 1961, KWF ta dedica su mes na yuda pashentnan cu tin Cancer y ta haci campananan di Conscientisacion pa Prevencion di Cancer na Aruba. KWF no ta ricibi subsidio di gobierno y ta depende completamente



di e generosidad di comunidad y e dedicacion di su boluntarionan. Fondonan cu KWF ta recauda durante henter aña ta bay completamente pa yuda pashentnan y nan famia cu apoyo y producto y servicionan cu no ta wordo cubri of ofreci door

di AZV, manera prothesis di pecho, transporte pa bay tratamiento y bishita di dokter. Keda pendiente! Den e siguiente simannan lo publica mas detaye tocante registracion y otro informacion important via nos pagina di Facebook: Ride For The Roses Aruba

CELEBRACION CULTURAL DIA DI SAN JUAN NO TA UN DIA PA KIMA SUSHI OF DESPERDICIO CU TA CAUSA DAÑO NA NOS MEDIO AMBIENTE

ORANJESTAD - Na Aruba nos tur conoce e celebracion di dia di San Juan, dia 24 di juni, esaki ta un celebracion cultural y no ta un dia pa kima desperdicio den forma irresponsabel. Nos medio ambiente y naturalesa ta frecuentemente den noticia. Ta nos deber como instancia cu ta maneha y conseha ariba asuntonan di medio ambiente pa duna informacion corecto cu ta den cuadro di e leyman vigente.

Directie Natuur en Milieu(DNM) ta recorda comunidad cu e celebracion aki mester keda uno cu tin di haci cu cultura y practicanan di agricultura y no mester bira un acto contra ley. Nos naturalesa y medio ambiente ta recursonan valioso pa nos bienestar y economia di Aruba. Na e mes momento nos kier encurasha comunidad pa explora mas den e area di agricultura pa cultivacion di nos mesun productonan pa consumo. Un departamento manera

Santarosa (DLVV) ta haci un bon trabou den esaki y ta brinda hopi informacion y sosten pa agricultura.

Directie Natuur en Milieu ta boga tambe pa un transicion den forma responsabel di consumo di productonan cu ta bin cu masha hopi empake manera esunan den empake di plastic. Tambe nos ta recorda cu e productonan di plastic di un solo uzo ta prohibi. Manera nos por wak cu 'straw', forki, cuchara y cuchiu (y otronan) di plastic ta prohibi na entrada di nos frontera (Doane). Pues ta con por ta asina cu tin ainda den circulacion?

Door di no uza materialnan di plastic nos ta yuda minimalisa desperdicio cu ta drenta e bida marino of den areanan natural. E comportacion di comunidad ta clave den esaki. Unda cu bo bay, sea ta lama pa pasa dia, si bo ta hiba cosnan corda cu mester hiba tur esakinan bek cas y tira e sushi den bari di sushi na cas.



Ta enfatisa cu departamento manera Bureau City Inspector (BCI) ta mannan yen cu hopi 'melding' di sushedad den barionan rond di Aruba. Ta pidi comunidad

pa deshaci di sushedad di cas na un manera responsabel.

Pa bolbe riba e tema di celebracion di Dia di San Juan, den e Algemene Politie Verordening artikel 14 y 23 ta stipula

cu, ta prohibi pa cende y tin candela riba tereno publico. Tambe ta prohibi pa tin molester di huma of candela riba caminda publico of na bisiña. San Juan ta bin San Juan ta bay, feliz dia di San Juan!

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Trahando huntu pa un futuro sin violencia doméstiko i violencia kontra hende muhé

KONFERENSIA DI TRABOU DI NO MAS NO MORE NA SINT MAARTEN



E di sinku edishon di No Mas No More a tuma lugá na Sint Maarten di 16 pa 19 di yüni. Durante e reunion aki profeshonalnan di tur seis isla di e parti Karibense di Reino a bini huntu. Representantenan di Ministerio di Salubridat, Bienestar i Deporte (VWS), Enseñansa, Kultura i Siensia (OCW) i Hustisia i Seguridat (JenV) tambe tabata presente.

E mensahe sentral di e konferensia di trabou tabata kla: ta importante pa nos traha huntu na ratifikashon di e Tratado di Istanbul. E tratado aki ta konserní prevenshon i kombatimentu di violencia kontra hende muhé i violencia doméstiko.

Durante e konferensia di trabou a traha riba plannan di akshon riba seis tema: igualdat di género, òrdu di protekshon temporal i métodoonan di “time-out”, salú mental relashoná ku violencia doméstiko, kambio di komportashon komo parti di kampañanan di konsientisashon, kolekshon di dato i asistensia na personanan indokumentá den situashonnan di violencia doméstiko. E temanan aki ta direktamente mará na vários artíkulo di e Tratado di Istanbul.

E puntonan klave di e MoU, ku e islanan a firma durante e último konferensia di No Mas No More, tambe a keda

inkorporá den e plannan di akshon. Ta trata di e siguiente temanan: kolaborashon den Reino entre shèltèrnan pa víktima, kódigo di protekshon, investigashon, konsientisashon, kompartí konosementu i desaroyo di ekspertisio.

E tema di e konferensia aki ta mas ku un lema—e ta representá un kompromiso pa akshon konkreto. E enkuentro aki no ta djis tokante kada ken su asistensia; presensia di kada persona a amplifiká un mensahe poderoso di resolushon kolektivo. No Mas, No More, Ni Aki, Ni Niun Kaminda,” asina Minister di Salubridat Públiko, Desaroyo Sosial i Labor di Sint Maarten, sr.

Richenel Brug, a bisa.

E grupo di trabou No Mas No More, ku ta konsistí di miembronan di tur seis isla i di Ministerio di Salubridat, Bienestar i Deporte, lo sigui traha riba elaborashon di e plannan di akshon riba nan propio islanan despues di e konferensia, huntu ku partnernan di

kadena, den e kadena di hustisia i sosten.

E konferensia tabata un éksito. Tabatin hopi espasio pa kompartí konosementu, eksperensia i ideanan. E partisipantenan a regresá nan islanan ku un vishon renobá i plannan konkreto pa sigui konstruí un futuro sigur pa un i tur.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Parlamentario Endy Croes:

PARLAMENTO A APROBA E LEY PA PROTEHA CONSUMIDOR UNANIMAMENTE DIABIerna ULTIMO

Aunke Geoffrey Wever tabata hopi zwak

Diaranson y diabierna ultimo Parlamento a trata e ley Landsverordening bestuursrechtelijke Handhaving van de Consumentenbescherming. Ta trata di un ley firma pa Evelyn Wever-Croes, pues di Gabinete Wever Croes II cual finalmente despues di a cana ful e trayecto a yega Parlamento pa wordo trata. Minister Geoffrey Wever ta esun encarga pa defende e ley aki y mester a contesta preguntanan di Parlamentarionan.

Kico precies e ley pa proteha consumidor ta encera?

E concepto di Landsverordening bestuursrechtelijke handhaving consumentenbescherming esta e ley pa proteccion pa consumidor ta pa proteha interes di nos ciudadanonan door di trece esaki bou di un Autoridad cu pa ley por actua contra comerciantenan cu no ta cumpli cu reglanan y asina e Autoridad por duna instruccion, y si no cumpli e Autoridad por duna boet y dwangsom pa asina corigir cierto comportacion. Esaki finalmente lo garantiza e level playing field. Mediante un ley anterior Mededingingsverordening (ley aki a tackle e monopolio) den articulo 4.1 inciso 1 a brinda e posibilidad pa bin cu e Autoridad. E Autoridad tey caba awor y yama AFTA Aruba Fair Trade Authority), cual lo percura pa mas regulacion pa comerciantenan, na cual nan mester atene nan mes cu beneficio final pa e consumidor. Pues e competencia husto y e proteccion di e consumidor lo wordo sirbi cu e ley aki.

Un ehempel chikito, si abo ciudadano compra un TV, Radio, hero di strika y den algun siman of luna e aparato a kima of dañá, ta e deber di e comerciante pa por duna bo un nobo, sin cu bo mester cera un seguro adicional ora bo a compra esaki. Awor caba den Ley Buki 7 di Codigo Civil bo tin 6 luna di garantia, cu kisas hopi hende no ta na altura. Pues bo por entrega keho contra comportacionnan asina awor en adelante na e Autoridad (AFTA) kende lo actua den bo nomber contra e comerciante. Lo contact e comerciante pa corigir su comportacion. E comerciante na final por ricibi un boet di maximo 100 mil florin y si e comerciante tin omzet di mas di 1 miyon florin e boet lo bira 10% di esaki. Riba su mes un tremendo ley cu a inicia bou Gabinete Wever Croes 2 y cu awor a logra wordo aproba den Parlamento di Aruba den un forma unanimamente diabierna ultimo.

Geoffrey Wever a mostra hopi zwak!



Durante presentacion di e ley Parlamentarionan a haya e oportunidad pa haci hopi pregunta. Aunke ta un ley cu a wordo traha bou signatura di MEP e Fraccion di MEP a haci avalancha di pregunta. Por a tuma nota e falta total di experiencia di Parlamentarionan di coalicion pa por a debati riba e ley y sirbi e pais na un manera digno. Como cu Futuro tambe a campaña cu nan lo percura pa mehora poder di compra di ciudadanonan y tambe baha costo di bida y esaki



ta anca tambe den Acuerdo di Gobernacion 2025-2028 y e ley cu a wordo trata tin raakvlak cu e temanan, Parlamentarionan di MEP a puntra Geoffrey Wever varios pregunta al respecto. Hopi ta ciudadanonan cu ta acerca nos cu prijsnan a sigui aumenta drasticamente ultimo lunanan manera prijs di lechi, coffee, galiña y sigur di construccion. Geoffrey Wever sinembargo a splica Parlamento cu informacion cu e tin y ta admistra cu prijsnan hustamente a baha drasticamente y pueblo awor ta kedando cu mas placa den su saco. Nos a haya e contesta aki un “burla” contra inteligencia di Pueblo mirando cu tur caminda nos cana e reclamo ta bin dilanti. Ta ilustra si cu Geoffrey Wever y Futuro ta desconecta totalmente cu e realidad. Na final por bisa cu Geoffrey Wever tabata hopi zwak den su presentacion na


Parlamento diaranson y diabierna ultimo.

Clasificados

SOLODIPUEBLO@GMAIL.COM

CEL. 585 9500



Con pa converti meditacion den bo rutina diario



Converti meditacion den bo rutina diario, por ta un reto complica pasobra no semper e ta dispone di e tempo necesario, pero una bes cu e logra, e benefician pa e salud fisico y mental ta inmediato.

E efectonan positivo di meditacion ta bay mas leu di lo subhetivo y lo emocional. Estudionan científico a comproba su utilidad pa reduci stress y e sintomanan perhudicial cu esaki ta causa na nos curpa.

Stress ta haci cu e organismo ta produci nivelnan halto di cortisol, un hormoon cu en exceso ta crea procesonan inflamatorio cu ta produci dolornan muscular, di cabes, di pecho y malestar di stoma.

Adicionalmente, cortisol ta causa insomnio, ansiedad, irritabilidad y ta reduci e apetito sexual.

Ciencia ta respalda meditacion

Inclui meditacion den bo rutina diario ta reduci hormoonnan relaciona cu stress y ansiedad di tur dia.

Varios estudio ta

demostra cu meditacion ta reduci stress door di nivela e produccion di cortisol y ta yuda elimina problemanan causa door di e exceso di e hormoon aki.

Di un otro parti, a considera e balor di meditacion como herment terapeutico den algun enfermedad degenerativo manera fibromialgia.

Dokter Sara Lazar, psiquiatra especialista den e investigacion neuroimaging na e Universidad di Harvard, a conduci un estudio riba meditacion cual resultadonan a respalda e importancia di e meditacion den bo rutina diario:

"Meditacion ta provee benefician cognitivo y psicologico cu ta persisti durante henter dia. E estudio ta demonstra cu e cambianan den e estructura di e cerebro ta tras di e mehoracionnan aki," Lazar a splica.

Recomendacionnan pa e meditacion den bo rutina diario

Conociendo e bentahanan di practica meditacion, ta cumbini converti'e den

un rutina diario. Algun consideracion por yudabo logr'e:

Ta realista cu expectativanan
Cu periodonan chikito di tempo lo bo bay notando e prome benefician. No ta hacibo falta dedica mas tempo di loke bo tin disponibel.

Leo Babauta, instructor di meditacion zen, ta recomenda compromete na cuminsa cu 2 minuut diario y purba di aument'e na 5 minuut.

Cu paso di tempo, ora cu aprecia e benefician, lo ta mas facil haci meditacionnan mas largo.

Busca un tempo liber diario

Pa realmente e meditacion converti den un habito, lo miho ta pa haya un momento preciso di dia unda cu bo sa cu tin tempo liber disponibel.

Lo mas recomendabel ta den oranan di mainta, pasobra e ta yudalanta e sentidonan y prepara e curpa y mente pa e resto di dia.

Sin embargo, si bo no por mainta, tambe ta sirbi durante descanso durante

lunch of anochi. Vooral, lo importante ta pa haya dos minuut diario den bo rutina habitual.

Scoge un luga accesibel
Un luga aparta y trankil lo permitibo concentra den bo es. Lo miho ta haya un luga trankil, unda cu no tin desordo ni distraccion. E por ta na cas, den oficina of den un parke. Lo fundamental ta cu den e espacio aki no tin interrupcion of molester.

E ta conviniente laga acesorionan manera telegon pa sigura cu ta respeta e tempo di meditacion.

Usa paña comodo
Pa blokia tur e factornan externo, ta importante usa paña comodo. Bistinan cu ta preta, den calor of incomodo di algun forma, lo evita cu e mente ta relaha y ta converti den un distraccion pa hacibo perde e foco.


Mesun cos ta sosode cu un posicion. Lo ideal ta pa haya un postura comodo cu bo por mantene sin cu e converti den un molester. Hasta medita canando por ta un bon solucion.

Usa algun tempo extra
Si ta bon, tin cu haya un ora fiho den e rutina, tambe bo por agrega meditacionnan chikito a lo largo di dia.

Bo por concentra na caminda pa cas, enfocando rib e cuminda durante lunch of ora di bebe koffie of thee.

Con pa medita?

Controla e respiracion ta esencial den e meditacion y relajacion. Meditacion ta consisti den relaha e mente y libera e warwaru di pensamiento te ora cu



logra haya e paz interior. Lo miho ta pa concentra riba un cos fiho, por ta visual of sonoro. Si e ta visual, nos por haya un punto fiho dilanti nos. E por ta un bela, un flor of algo simpel.

For di eynan tin cu enfoca riba e obheto y no pensa mas leu di loke nos ta mirando. Si e ta un zonido, tin cu scoge uno cu lo sirbi manera un mantra. E por ta palabranan simpel cu ta invitabo na relajacion of zonidonan manera "Ohmmmm", pronuncia for di e pecho.

Un di e tecnicanan mas util y efectivo ta concentra den e respiracion. E por ta manera cu wowonan cera of habri.

Hala rosea lentamente via nanishi of sinti y imagina e aire ora cu bo hala rosea. Den cada respiracion ta sinti manera e aire ta drenta den e pulmonnan y ta pasa den e diferente partinan di e curpa oxigenando e sanger.

Despues expira lentamente tambe sintiendo con e aire ta sali. Una bes cu e meditacion caba, lo bo sinti bo mente libera y relaha, y e curpa renoba. E problemanan lo keda atras pa algun tempo y despues por afronta nan, lo ta mas simpel.

Descubri alimentonan imprescindibel cu no por falta den bo dieta

Nos lo mustrabao algun alimento imprescindibel di cual propiedadnan nutricional ta haci nan necesario pa un dieta sano y balansa. Pa suerte, nan ta alimentonan habitualmente facil pa haya y pa inclui den cualkier plato.

Tomati

Un dieta balansa mester contene un poco di tur cos, pero nunca mester falta tomati. E tin antioxidante, cu ta yuda na e rehubenecimento celular, y vitaminanan A, C y E.

E tomati aprecia antes tabata wordo como un mata decorativo, te cu den siglo XVIII, a cuminsa consumi'e como alimento.

Ademas, tomati ta di puro awa, loke e ta bira ideal pa mantene e peso. E ta posee tambe un substancia fantastico pa e organismo, Licopeno, cu ta preveni e aparicion di cierto cancernan, manera di pulmon y di prostata.

Awacati

E dushi awacati tin un espectro di beneficio cu ta yuda for di un muhe na estado, pa un homber adulto. E ta posee acido folico, necesario pa preveni malformacion den e fetus y su vetnan ta impedi e desaroyo di colesterol.

Knoflok

E alimento imprescindible, aromatico y fresco aki, ta un protector natural di e organismo. Ta miho consumi'e fresco, ya cu ta e forma cu e ta mantene tur su propiedadnan.

Ademas, e ta un excelente regulador di presion arterial y ta yuda e digestion.

Di un otro banda, hopi chef ta recomenda saca su parti interior berde, pasobra e por resulta pisa pa e digestion.

E resto di e djente di knoflok por wordo consumi completo. Ademas, como curiosidad, knoflok por tin cierto efectonan afrodisiaco.

Selder

Selder ta famoso pa stimula e potencia sexual. Ademas, su consumo ta yuda mehora e problema anan chikito di memoria vincula

cu edad. Selder tambe ta posee un porcentahe halto di hero, pesey e ta un aliimento imprescindible contra anemia.

Por ultimo, como curiosidad, e juice di selder ta yuda supera e trastornonan di sueño.

Chuculati

Aunke ta acus'e di faborece e ganamento di peso, chuculati tin mas virtud cu defecto. E ta energetico, ya cu consumiendo un cantidad chikito ta gana hopi den energia.

Ademas, solamente 100 gram di



chuculati scur, ta posee 375 miligram di fosforus.

Di un otro banda, e polifenolnan cu e chuculati ta posee, ta convirti'e den un protector cardiaco y un agente preventivo di cancer.

Spinazie

Spinazie no solamente ta duna forza, sino cu ta yuda na mantene un bon bista. Ademas di ta un fuente basico di hero, spinazie ta asina bon of miho pa e bista cu un wortel, ya cu e ta concentra un bon cantidad di luteina, un substancia cu ta fortalece e retina.

Appel

Appel ta e fruta pa excelencia. E alimentonan imprescindibel aki

ta reduci e cantidad di proteina y lipido y ta posee un porcentahe halto di vitamina, awa y salo.

Ademas, tambe ta actua contra e daño di celnan cerebral.

Rasenchi

Ta berdad, rasenchi tin bastante concentracion di sucu, pero net esey ta hustamente loke ta convirti'e den un maraviyoso motor di energia pa mucha, adultonan mayor y deportista.

Ademas, den su espacio reduci, e ta posee un balans casi perfecto di cinco importante mineral: calcium, magnesium, fosforus, hero y potasium.

Alimentonan imprescindibel:

Salmao

Salmao, specialmente esun silves-

tre of salvahe, ta posee cantidadnan grandi di Omega-3, un substancia cu ta preveni malestarnan cardiaco. Lo mas recomendabel ta incorpora e pisca aki den e dieta infantil pa su fantastico aporte nutricional.

Yoghurt

Un yoghurt pa dia ta yuda cualkier adulto pa fortalece e calcium den e organismo y na mucha pa preveni infeccion.

Ademas, e ta un producto hopi recomendabel pa dietanan abao den caloriam.

Vol of sin vet, yoghurt ta un producto perfecto pa bo alimentacion.

Brocoli

Brocoli ta un bon fuente di vitamina A (principalmente den forma di beta-karonteen), di vitamina C y di acido folico.

Esaki ta asina te na e punto cu un racion di 200 gram, ta aporta mas di tres biaha mas di e recomendacionnan diario di vitamina C y e mita di e ingesta recomenda di acido folico.

Berries

Nan ta wordo considera un fuente di vitamina C y K, ademas di su rikesa den manganeso. Berries ta alimentonan imprescindibel perfecto pa come nan so of como parti di un receta, por ehempel, cu yoghurt.

Ya sea di color cora, preto, no lage di purbe como acompanyamento pa smoothies, tert of otro dessert.

Parlamentario John Hart:

“PENSIOEN GENERAL PA SECTOR PRIVA TAMBE MESTER DI SU ATENCION”



ORANJESTAD (22 di juni 2025) – Durante e reunion publico di Parlamento relaciona cu aprobacion di e Landsverordening Bestuursrechtelijke Handhaving Consumentenbescherming, Parlamentario John Hart a apoya un paso positivo pa fortalece proteccion di consumidor na Aruba. E ley nobo ta duna Aruba Fair Trade Authority (AFTA)

mas autoridad pa haci control y pa garantiza un mercado husto y transparente.

“E aprobacion di e ley aki ta un logro importante,” segun Parlamentario Hart. “AFTA lo tin un base legal mas firme pa vigila derecho di consumidor y pa actua den caso di irregularidad.” Segun Hart, e exito di e ley ta depende di bon colaboracion entre e institucionnan relevante, manera Directie Economische Zaken, Handel en Industrie (DEZHI) y AFTA mes. “Un protocol pa colaboracion ta na caminda y lo inclui informacion pa sector priva y e consumidor mes,” Hart a agrega.

Ademas di trata proteccion di consumidor, Hart a pone enfasis riba un otro tema crucial: e Landsverordening Algemeen Pensioen (LAP), cu ta cubri pensioen general pa sector priva. “E bienestar di nos trahadonan mester ta un prioridad. Desde 2011 tin un ley pa regula e pensionnan pa sector priva, pero sin supervision structural e sistema no ta completo,” Hart a



declara.

Segun e evaluacion di Sociaal Economische Raad (SER) den 2017, e ley di pensioen general tin necesidad urgente pa un organo di gobierno cu ta eherce control. “Nos ta mira caso den corte caminda dunadonan di trabou ta retene e contribucion di pensioen for di salario di trahadonan, pero no ta deposita esaki na un fondo,” Hart a lamenta.

E parlamentario tambe a expresa su satisfaccion cu Comision di Economische Zaken y Primaire Sector di Parlamento tin un reunion planea cu Insurance Association di Aruba (IAA) pa discuti e sistema di pensioen pa sector priva. “E reunion aki ta un paso esencial pa haya claridad

riba e situacion actual y pa traha riba solucionnan concreto,” Hart a menciona.

“E trahadonan cu ta dedica nan bida laboral mester sa cu nan futuro ta protegi tambe. Un sistema di pensioen eficaz y transparente ta fundamental pa un comunidad cu kier prospera,” Parlamentario Hart a conclui.

Paga bo cuenta online ta facil

Sea
Abonnement
of Aviso



Pa hasi pago online pone number y adres na cuenta di banco RBC Sunmax Printing account # 7700000100152447

Clasificados



SOLODIPUEBLO@GMAIL.COM
CEL. 585 9500



DIABIERNA A INCIA OFICIALMENTE E WEGANAN

Apertura oficial di Copa

Gubernamental y Comercial 2025

Aunke cu ya e weganan a cuminsa diahuebs, diabierna tabata tin e ceremonia di apertura riba veld di Kudawecha pa asina habri oficialmente e Copa Gubernamental y Comercial 2025. Despues di seis aña team organizado di Horacio Oduber Hospital (HOH) a trece e copa aki bek y por a mira cu interes tabata enorme y tribunanan tabata yena di fanaticonan apoyando e teamnan participando.

Cu presencia riba veld di invitadonan, presidente di parlamento, directornan y representantenan di e departamentonan gubernamental y comercial a duna honor na nos Himno di Aruba cu a ser canta pa colega Zulaika Geerman. Despues a invita presidente di parlamento, sr. Marlon Sneek, pa hiba palabra cu a duna importancia na deporte y cu un torneo asina ki ta esencial pa trece union entre instancianan gubernamental y companianan comercial. Ta sostene e iniciativa completamente y ta gradici e comision y sponsor cu por a realisa e torneo. sr. Gregory Croeze, miembro di Hunta di Directiva di HOH, ta contento cu e copa t'ey bek despues di seis aña y ta conta cu HOH ta kere firmemente den deporte cu ta algo bon pa salud y alabes ta trece colegialidad entre departamentonan y ambiente den nos comunidad.

Dr. Dave Laclé




representando e comision di organizacion a gradici e gran sponsor Balashi Aruba pa kere den e copa aki y tambe a gradici Hunta di Directiva di HOH pa sostene y yuda realisa e copa. No lubida tur teamnan gubernamental y comercial cu ta participando y tur colega y boluntario trahando duro pa haci e torneo posibel.

Alabes Laclé a tuma un momento pa honra y dedica e torneo aki na tres baluarte di hospital cu a nifica masha hopi mes den deporte y tabata activo pa hopi aña durante cu nan tabata labora na Hospital. E personanan aki sigur no ta desconoci y a pone 'in het zonnetje' Raymond Bikker, Angelico (Leco) Croes y Edwin (Tinchi) Lopez. A otorga na Leco y Tinchi (sr. Bikker ta den exterior), un bunita reconocimiento pa nan

dedicacion na deporte di parti di Horacio Oduber Hospital. Por ultimo a invita Marlon Sneek pa haci e sake di prome bala sigui pa un "Playball" door di Sr. Gregory Croeze. Y cu esaki Copa Gubernamental Comercial 2025 a keda inaugura.

































E invitacion ta keda na comunidad di Aruba pa sigui apoya e siman aki y pasa Kudawecha Ballpark di diamars dia 24 pa diadomingo 29 di juni. Y corda cu riba e ultimo dia nos lo haya sa ken ta bay cu e copa di campeon, lo tin tremendo ambiente di e banda local OREO y alabes e entregamento di premio. E bar y cushina lo ta bon surti. Bishita e Facebook di Horacio Oduber Hospital of e pagina di Copa Gubernamental 2025 pa mas informacion

tocante e schedule y scores di tur dia. HOH semper t'ey y claro, den deporte nos tambe t'ey!



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

CORRECTION 22 JUNI 2025

 <div>Sorteo # 4658</div> <div>0254</div> <div>2909</div> <div>0199</div>  <div>FP</div>  <div>Sorteo # 4658</div> <div>1550</div>  <div>X2</div>  <div>Sorteo # 2714</div> <div>7415</div>  <div>Sorteo # 4658</div> <div>9488</div> <div>Aries</div>  <div>Sorteo # 1532</div> <div>105</div>  <div>X3</div>	 <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>170.000,-</div>	 <div>Sorteo # 6864</div> <div>0 x Jackpot</div> <div>6 x Match 4</div> <div>124 x Afl. 8,00</div> <div>05-17-19-21-25</div> <div>Proximo Jackpot</div> <div>60.000,-</div>	 <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Mega Ball</div> <div>Proximo Jackpot</div> <div>600.000,-</div>	 <div>Afl. 900.000,-</div>		 <div>Sorteo #</div>	
 <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div>Joker</div> <div>Letter</div> <div>Proximo Jackpot</div> <div>170.000,-</div>	 <div>Sorteo # 6864</div> <div>0 x Jackpot</div> <div>6 x Match 4</div> <div>124 x Afl. 8,00</div> <div>05-17-19-21-25</div> <div>Proximo Jackpot</div> <div>60.000,-</div>	 <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Mega Ball</div> <div>Proximo Jackpot</div> <div>600.000,-</div>	 <div>Afl. 900.000,-</div>		 <div>Sorteo #</div>		
 <div>Sorteo # 6864</div> <div>0 x Jackpot</div> <div>6 x Match 4</div> <div>124 x Afl. 8,00</div> <div>05-17-19-21-25</div> <div>Proximo Jackpot</div> <div>60.000,-</div>	 <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Mega Ball</div> <div>Proximo Jackpot</div> <div>600.000,-</div>	 <div>Afl. 900.000,-</div>		 <div>Sorteo #</div>			
 <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div>Mega Ball</div> <div>Proximo Jackpot</div> <div>600.000,-</div>	 <div>Afl. 900.000,-</div>		 <div>Sorteo #</div>				
 <div>Afl. 900.000,-</div>		 <div>Sorteo #</div>					

DURANTE JUSTITIEEL VIERPARTIJENOVERLEG A FORTALECE LASONAN DEN REINO



Diahuebs 19 di juni, a tuma luga e Justitieel Vierpartijenoverleg den e Ballroom di Embassy Suites na Aruba. E reunion ta un encuentro strategico entre e ministerionan di Husticia di Aruba, Corsow, Sint Maarten y Hulanda, pa trata topiconan comun riba nivel hudicial.

Mainta a consisti di un prome sesion riba nivel ambtelijk den cual esnan na cabes di e institutonan clave den e cadena

hudicial di e paisnan ruman a intercambia conocimiento tecnico riba un variedad di tema di interes regional. E dialogo a forma un base solido pa futuro desaroyo di cooperacion efectivo den Reino.

Mirando cu Gobierno Hulandestademisionario, e Minister di Husticia di Hulanda, sr. David van Weel, no a alcanza pa asisti personalmente na e reunion di atardi, pa cual a tuma luga un

reunion tripartite entre Minister di Husticia di Aruba, mr. drs. Arthur Dowers, Minister di Husticia di Sint Maarten, mr. Nathalie Tackling, y Minister di Husticia di Corsow, mr. Shalten Hato. Durante di e tripartite a dialoga riba temanan manera criminalidad entre hobennan, posicion y violencia cu arma entre hobennan y violencia cu arma na nivel regional. Ademá a dialoga riba e retonan cu personanan



indocumenta, cual tur tres pais ta alinea cu e necesidad pa un maneho nobo pa yuda elimina entre otro abuso laboral di esnan sin status legal. Minister Dowers a enfatisa cu aunke husticia ta un asunto nacional, e cooperacion boluntario den Reino ta necesario pa atende desafionan comun. Ta importante pa traha hunto pa proteha e estado di derecho di cada pais den Reino, fortalece nos institucionnan y duna confiansa den nos sistema hudicial. E Corte di Husticia ta un di e aspectonan den husticia, como entidad funcional pa tur pais den e region, ta fundamental pa garantiza un rechtzekerheid cu ta duna confiansa, incluso pa inversionistanan internacional. Tambe den e ehecucion di ley (rechtshandhaving), ta esencial cu tin cooperacion interinsular entre Cuerpo Policial, Kustwacht y otro instancia pa proteha nos frontera y territorio maritimo.

Pa enfrenta e reto regional, Minister Dowers a enfatisa cu den e tipo di dialogo asina, mester yega na palabracion concreto. Desde 10-10-10, cu Boneiro, Saba y Sint Eustatius ta parti di Hulanda,

e responsabilidad di Hulanda den region a crece. Ta importante cu awo realmente Hulanda ta compronde e reto regional cu e otro islanan tin años ta enfrenta.

"Mester keda inverti den e aspecto humano y ta sinti cu tin boluntad cerca e partnernan di Sint Maarten, Corsow y Hulanda", Minister Dowers a expresa.


E proximo Justitieel Vierpartijenoverleg ta planea pa tuma luga na Sint Maarten den cual ta spera cu por conta cu participacion di Hulanda, pa continua e dialogo y concretisa acuerdonan riba nivel di husticia.

Minister Tackling a compromete pa fortalece cooperacion entre e islanan ruman pa combati e desafionan cu ta enfrenta den region.



NA ESNAN CU TA KERE DEN IMAGENNAN DI DIOSNAN FALSO, AMULETONAN Y TALISMANNAN

Tin hendenan conciente y inconciente, nan no sa loke ta di Dios y nan no sa loke ta bini di satanas den e creencianan di supersticion. Hendenan cu ta biba pa biba den pika, ta nan ta usa e sorto di creencianan den amuletonan y den talismannan ariba nan curpa y den nan cas. Hendenan sin fe ta usa tur sorto di amuletonan y talismannan den creencianan mistico, pa proteccion, pa suerte etc.. Nos mester comprende, cu den e culturanan bieuw, den Testament Bieuw e amuletonan y e talismannan tabata hopi usa den e pueblonan pagano. E hendenan den paganismo tabata usa e amuletonan, talismannan como “magic charms”. E hendenan pagano tabata usa talismannan grandi di satanas y tambe nan ta usa imahennan di diosnan falso den nan cas. Hendenan Cristian mester comprende bon, cu tur e sortonan di amuletonan y imahennan di diosnan falso ta bini di satanas, e.o imahen di dios falso di budda na cadena of na porta, imahen di olifant na muraya, imahen di dragon, creencia den spielnan na muraya of na porta, imagen di dios falso di inca's, di azteca's, di hindu, di egypticonan, creencia den colga aloe den cas of na porta, esnan cu ta pone furu diabolico den cas, creencia den suerte den hoof di cabay, esnan cu ta pone linja cora na man y na pia, creencia den boonchi como amuleto, amuleto den pata di konew, simbolo satanico den “devil horn”, e simbolo di pas satanico { crus boca abao kibra den circulo } riba t-shirt etc. etc.



Den Bijbel 2 Reynan 23: 24 ; “Rey Josias a keda conforme den tur e palabranan di e Ley scirbi den e buki, cu e sacerdote Hilkias a encontra den e tempel di Dios. Y tabata asina cu el a laga elimina tur esnan den spiritismo y na esnan den adivinonan, na esnan cu tin idolonan di diosnan falso den famianan y tur sorto di idolonan abominabel cu tabata ser haya den e pais di Huda y den Herusalem”. Nos mester comprende cu den e di Prome Mandamento di Dios Tata ta bisa: “Di stima y adora bo Senjor y bo Dios di henter bo curason, di henter bo alma, di henter bo ser, di henter bo sintir y mas cu tur cos den mundo.” Den e Mandamento di Dios Tata aki, ta prohibi hende di kere y di confia den tur e sorto di creencianan supersticionnan, di amuletonan, talismannan, imahen di diosnan falso etc. Hendenan cu tino mester comprende, cu ta den Dios so nos mester kere y confia nos destino

final, cu ta e Gloria Eterna. Y no den e creencianan den amuletonan, talismannan y simbolonan cu ta bin di satanas. Pasobra esnan cu tin e sorto di amuletonan y talismannan aki, e spiritonan diabolico ta keda rond di nan. Tur e creencianan paganonan aki, ta un pika grandi contra di Dios Su Prome Mandamento. Den Bijbel Apocalipsis 21: 6 – 8, {Revelacion di Huan}: “Tambe E'l a bisa mi: Ta cumpli! Mi ta Alfa y Omega, Principio y Fin. Esun cu tin sed, pornada lo Mi dun'e bebe di e fuente di e awa di bida. Esun cu triunfa lo hereda esaki y lo Mi ta Su Dios y e'l lo ta Mi yiu. Ma e cobardenan, e infielnan, e perversonan, e matadornan di hende, e fornicadornan, e sirbidornan di diosnan falso y tur e sakadornan di mentira, nan lugar ta den e tanki cu ta kima di candela y zwafel. Esaki ta e di dos morto.”

Un mensahero di Dios.

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

FORTALEZA PA FAMILIA

Scirbi pa Pastor Marcel Balootje.

HUMILDAD TA TRECE GRAN BENEFICIO PA NOS BIDA

Ora nos ta humilde, y nos ta comparti cu otro, nos ta corda riba necesidad di otro, y nos no ta corda solamente riba nos bienestar, Dios ta contento cu nos, pasobra Dios ta stima hende humilde.

Hende humilde ta laga Dios husa nan, nan no tin nan propio agenda di grandesa, pero nan ta disponibel pa tur bon obra, pa na tur momento nan por ta util den man di Dios, y pa Dios ricibi tur gloria.

Ta un bataya hopi grandi nos tin awendia, cu hende cu ta orguyoso, nan no kier duna otro ningun chens, semper nan kier ta mas dilanti, no ta importa cu nan ta mira otro ta sufri, pero nan orguyo ta sali pa dilanti, pasobra esey ta locual nan kier, y ta locual cu nan kier esey ta locual cu mester sosode.

Humildad ta trece pas tur momento, pasobra hende humilde sa con pordona, pasobra e naturalesa di pordon a alcanza nan

curason, y nan sa cu bo no por keda, pretende riba algo tur momento, pero bo mester pordona, laga los, y laga Dios dicidi, pasobra Dios sa locual ta miho pa nos tur.

Dios ta hala atencion di hende pa nan ta humilde y agrada Dios, pasobra orguyo ta separa hende for di Dios:

Dios ta resisti e orguyosonan ma ta duna gracia na e humildenan. (Santiago 4:6).

Dios ta resisti e orguyosonan ma ta duna gracia na e humildenan. (1 Pedro 5:6).

Ora cu orguyo bini, deshonor tambe ta bini, ma sabiduria ta cerca e humildenan. (Proverbionan 11:2).

Bienaventura ta esnan humilde, pasobra nan lo hereda e tera. (Mateo 5:3).

E recompensa di humildad y e temor di Senyor, ta rikesa honor y bida. (

Proverbionan 22:4).

Si Mi pueblo cu ta wordo yama na Mi nomber, humiya nan mes y haci oracion, y busca Mi cara, y bira for di nan mal camindanan, e ora ey lo Mi tende for di cielo, y lo Mi pordona nan pica y cura nan tera. (2 Cronicanan 7:14).

Mi ta bisa boso, e homber aki, contrario di e otro, a bay su cas hustifica, pasobra ken cu halsa su mes lo wordo humiya, y esun cu humiya su mes

lo wordo halsa. (Lucas 18:14).

Esun cu humiya su mes manera e mucha aki, ta esun di mas grandi den reino di cielo. (Mateo 18:4).

No haci nada cu un actitud di egoismo y orguyo, ma cu humildad laga cada un di boso, considera e otro mas importante cu e mes. No busca boso interes personal so, ma busca tambe interes di otro. (Filipensenan 2:3).

Pesey ami, prisionero di Senyor, ta roga boso pa cana na un manera digno di e yamada, cu cual boso a wordo yama, cu tur humildad y suavidad, cu pasenshi, soportando un y otro den amor. (Efesionan 4:1-2).

Humildad ta nifica cu nos ta reconce cu nos ta

depende di Dios.

Proverbionan 6:16-19 ta papia di e cosnan cu Dios ta odia, y orguyo ta un di e prome nan, Pasobra e palabra di Dios ta sigi avisa nos con hende orguyoso no ta hanja necesario pa reconoce Dios (Romanonan 1:28-32) y Dios mes ta entrega nan na un mente perverso, cu tur e consecuencia di locual ta para scirbi.

No tin espacio pa chansa cu Dios, pasobra Dios no ta chansa, Dios ta santo y ta permanece santo, pesey tur locual ta orguyo no ta bon bini den presencia, di Dios, y esey ta wordo ripiti hopi biaha den Su palabra, pa hende tene cuenta cu esey y arepentí di nan orguyo.

Humildad ta un bendicion. Sinceramente, Pastor Marcel Balootje.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Juan 6, 44)

Cristo ta bisa cu ta via di Dios so un hende por yega cerca di E. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loka e tabata lesa di profeta Isaías y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.